

存素堂詩初集錄存

存齋詩初集錄存卷六

柏山 法式善 開文

丙辰

題隨園梅花冊用張船山檢討韻

風雪夜來多攜酒向何處山空不見人梅花七百樹

李載園

將清

明府札來索題集前詩偶不記憶爲重賦

此

我詩如敗葉一任西風掃君詩如幽蘭亭亭出秋草寧復重我
言只爲結交早神交二十年把臂輒傾倒此中有性情非止敦
文藻羅浮風雨幻江水助深浩但恐梅花孤不愁明月老大筆
日抒寫奇情天創造轍馬適壯懷山川豁幽抱我謂此餘事不
必過搜討儒生負經濟民心待浴澡浮譽謝苟盡蒼生命胥保

治民如治詩官好勝歲好堂上有絃歌田間無旱澇衍作太平
詔郵筒遞新藁

送王楊甫歸里就官廣文

本是還鄉客今成去國人鷗波隨處好燕壘隔年春書畫一船
滿雲山十載新兒童驚問訊可是宰官身
芳草堂前路春風曳屨來花開親掃徑月上對銜杯句法商量
熟鐘聲斷續催

禁城閉魚鑰往往趁燈回

拂檻櫻桃熟堆盤苜蓿香青山買難必紙帳睡何妨心早看雲
淡身偏作字忙不須居廡下琴瑟久徜徉

修竹讀畫扇

人可一生不食肉不可一日不見竹人可一生不作官不可一

日書不著綠雲蒲院風兼雨來無公人往無古吁嗟乎有書便
是福有竹便非俗君不見蘇東坡黃山谷

村行

沽酒杏花西塞鴉花上棲夕陽剛轉樹新漲已平隄樵斧雲中
響酒旗風外低牧童勸余歇前路總春泥

魏春松比部示西苑校書詔詩

讀書不讀律有得必有失讀律不讀書千密必一疎魏侯早歲
工詞翰大筆淋漓萬言貫中年服政官秋曹白雲堂上揮霜毫
天子儲書選仙吏宰臣知君識奇字文章政事一身兼校字心
同校事嚴構臺婉孌雲霞麗宮漏出花秋雨霽梧桐樹下掃葉
勤楊柳堤邊敲韻細我亦文淵校字曾墨花點紙似秋蠅蓬瀛
舊侶今誰在展卷懷人剪竹燈

丁未歲余奉
同凡視者爲王詒堂劉青垣平

命校書文淵閣

寬夫瑞芝軒潘菊公諸前輩今或沒
或在外惟陸璞堂同年現官京師耳

曾賓谷運使寄邗上題襟集至

柳花隔嶺紅明月滿城白清齋閑無事三兩山中客詩本心志
和酒乃民物澤使君曠達流搖筆詞絡繹諸子出所長而皆與
道適閒雲高樹招好風修竹借時聞幽泉聲淙淙漱寒石展卷
猶未終已覺我心獲天末望故人何以慰今夕

昔歲居溧陽說詩入山廟古殿滅燈火但有孤月照果落任狐
羆鐘斷聞鬼嘯吟哦松樹下得句輒狂叫爾時惟任誕了不知
其妙歲月弦上矢風雨催年少良朋悵雲散更誰識古調定知
雲舫開此意君熟料或可借尺素千里接言笑

東雨窓 阿林保 運使

松與柏同性蘭與蕙同味葆冲空谷中不受春風媚使君抱古

艷脩然淡名位胸貯武林雲夢繞明湖翠坐使漁樵流不知公
卿貴海內懷才人視君若大被飢寒與痛癢一一俾暢遂顧君
識見真不容匪材厠齒頰忽矜許詩篇適委寄濯濯秋蓮花烟
水不能漬知君蓄德深慚我望道未後會上真率前言託游戲

送桂未谷復出寧波南

我不解作書辛苦讀然書我不嗜飲酒淹留奉觴醪劉孝綽句往往

賢豪交把臂輒懽懽泰山氣滂滂夫君才奕奕軒昂一枝筆奔
走半生役醉盟尤淋漓興酣道大適勢奪與利取乃不受促迫
遂令廣文擅坐老東魯客草荒蝶亦寒松矮鶴常瘠白髮今蕭
蕭一官仍困厄夜郎萬餘里烟瘴幾重隔造物或忌才私心頗
愛惜夫君曰不然我有治民策身外寡所求身內多所獲民安
卽我安陶然百憂釋况復此鄉里前賢留手迹荒榛敗棘中于

茲訪金石舉杯天地寬
揮毫風雨劇當有問字人負後拜前席
送吳山尊 孝廉之山左

古藻摭今情竒文達至理造物不言妙君乃攝諸指我有梧門
圖物外託微旨人間瑰麗詞題滿詩龕裏拳拳一寸心在彼不
在此曩過宗伯齋見君畫梅紙寫梅有我在不爲梅所使著語
更洒然梅花得知已歸來輒相思花開三度矣昨歲君入都公
卿多倒屣蓬門晝常扃因君時一啓宗伯開選樓搜羅極富美
百年盛文物一代振浮靡君復識掌故一一析傳紀豈惟風雅
倡白山有詩史先人遺著述未敢誇桑梓承君殷檢校留置烏
皮几暑燈黯淡中吟哦時未已寒門寡勲業傳家或卽是感激
何可言月骨而生死君今不得志讀誓返鄉里滄滄泰嶽雲嶽
彌明湖水十丈秋蓮花婀娜映日紫蒲帆應飽曳蓮花待君子

贈劉松嵐兼寄吳蘭雪

劉郎詩澹冶吳生句幽艷皆我同調人三年不得見側聞湘花

詞江南傳寫徧繡出石溪篇脫手萬花綢芳草別江渚野雪散

林句歸髮嗟太閒

謂蘭雪

彈琴亦已倦

松嵐久官縣尹

更有梧門客懷人

增春戀清風越遼海澹香吹吳綢茶烟濕不飛庭樹綠忽變依

稀寒玉聲泠泠響清院又如空谷中乍覩美人面芳氣襲衣袂

可佩不可接瘦吟樓已空薰風閣久羨如何二妙辭都入湘花

卷惆悵雪中人低徊潭上讌

王貞秋余于積水潭集諸詩人看詩

謝感觸

藉此欲題襟笑余誰辨頽好花能綴枝明月只一片照

我三人心拳拳永相念

七月七日吳穀人前登招同桂未谷洪稚存趙味辛伊

墨卿

秉綬張船山何蘭士集澄懷園清涼界時未谷

將之永昌

閉門就竹居深怕接俗客秋風颯然至墮階梧葉碧神仙展芳
讌瓊館敞瑤席丹曦匿樓角涼霧覆山脊繞屋紅蓮花不辨人
行迹一縷茶烟飛精廬空猶隔槐陰破意補草香空院積閑軒
納衆賓掃苔坐蒼石酒氣忽騰雲墨華酒滿宅宋谷酒
酬作書人生嘉
會難胡爲悲遠適百年祇須更萬里亦咫尺身苟與物忘心不
爲形役蟬噪鷗自閒烏黑鵲仍白富貴不可求歲月要當惜舉
杯問青天今夕是何夕

立秋後一日甘西園

立獻

侍御招王封亭謝薌泉宋雲

聖鳴瑞

金園看殘荷感賦

積雨忽生蒼涼雲不離竹孤亭倚岸飲水氣上衣綠

花開我未來我來花已落江南舊酒痕今日相思各

鄉泉在揚
州有酒痕

紅到綠楊城句對亭
云江南人至今誦之

扁舟淨業湖秋夢迢迢遠水石自清幽江湖客不返
王子持請詩人積水
潭小飲亦立秋後
一日也今多不在

壬子歲趙昧辛舍人出恭毅公世德詩冊五律三首及
閩舍人述公出處宦蹟與前說不合改賦此詩

昔讀蒼山文知公性孤潔今讀世德詩知公情懇切當其撫瀾
時俗靡吏復劣支手整紀綱苞苴咸杜絕量潤恢滄溟心清盟
白雪大臣識體要安得人人悅湖山看如畫秉節僅九月白雲
紅樹間裙屐風流歇蒼生方待命歌詠乃不屑政府旗飄飄
歸水鳴咽舍人公元孫鄙懷久傾折十年校秘書四海交英傑
南宮試屢躓開戶安塞拙綸綍卜他年斯言當不滅
項洛原序我疆我理
我今日之桑麻爾公
爾後卜他年之綸綍

閒居

愧乏濟時術，隱憂何日伸。
攤書爲遞眼，愛畫擬藏身。
秋竹短於草，野花高過人。
漁翁淡名利，江上坐垂綸。

秋雨淨業湖上

一雨便忘暑，況逢池館清。
苔香花外寺，雲濕樹邊城。
醜石最多，致野鷗偏有情。
綠簑何處借，吾意欲躬耕。

秋夕寄懷孫淵如

星衍

觀察

大屨登樑棟，繁音節鐘鼓。
俗敝賴整飭，吏驕貴鎮撫。
使君工文章，胸自有千古。
花開欣釋繯，松青坐揮麈。
豈知偶談笑，悉中民疾苦。
世重讀書人，匪直講訓誥。
學術溯漢秦，功名念鄒魯。
少年品風月，今宜作雷雨。

八月上下邀馬秋藥

履泰

何蘭士顧容堂

王霖

篴經齋

立相

黃宗易

恩長

周鑾原

廷采

飲胖

蠲志拜嘉惠，茲非餽餘先。期招故人坐，我秋花廬。荷枝戎勿備，義主談笑舒。旣刪堦下筍，還剪園中蔬。梧桐涼我琴，瑯玕背我書。酒闌百蟲響，日落林風疎。誰其志溫飽，聊此聯襟裾。

暮秋孫河道中

誰取豐年景，毫釐入畫圖。泥新紅秫屋，酒溢碧紗壺。婦老能驅犢，僧閒看浴兒。重陽任風雨，不復怕催租。

密雲縣書店壁

白石橋雙控，黃泥屋兩間。柳斜還繫馬，牆矮不遮山。秋夢三年熟，甲寅乙卯及今連歲宿此塵心半日閒。田家樂豐稔，未識此巖關。

投宿山村

衰柳掩柴門，人家隔秋水。雨雨紅蜻蜓，飛入蘆花裏。

蒼然暮色來四望山爲堞炊烟林際生童子燒松葉
疎林隱遠山秋聲在何處僧扉夜不扃白雲自來去

補題治亭園峯聯牀聽雨圖後

憶我交二君今已廿年矣其間聽雨日歷歷可僕指珂聲散玉
堂人稱三學士趨瞻金馬門同試銀光紙聯騎官道遙門韻僧
房裏余與二君同時爲學士同充日講官蒼茫望古今歌哭
同被詔旨試殿上同扈蹕行幃誓生死南山漉漉雲東海滔滔水時勢有不同人心無彼此蒼
生今待命請從二君始

巍巍石經堂竹榻支南榮秋花窈窕開茫然涼露清同堂坐怡
怡伯唱季也廣家庭有至樂不復求友生方今政事堂袞袞賢
公卿風雲際會奇羣推君弟兄聽雨昔年事作雨今日情持以
澤萬物勿徒於虛名吾將聳雙耳傾聽時雨聲

爲周霽原題畫

草書畫方永花開春又至此中自有詩不必著一字

題戴服塘_詩太常籐陰雜記

竹垞久荒圯籐花今尚存舊聞春晝續細字月廊昏城郭依稀
是詩篇仔細論烏絲出懷袖寒綠寫梧門

近採余詩
大雜詠中

丁巳

送吳穀人侍講南歸

神仙住瀛洲往來無定所忽見桃花開振衣遂霞與春洲一片
水布帆許容與好山新畫圖老梅舊儔侶堦前且種竹笋茁美
可茹客來坐綠陰長夏不受暑偶當明月上酒帶露華煮童子
剪蒻煮野人餽鮓餽詩成自和樂事至無齟齬清貧人所愁先
生但笑語風跡與雲蹤何必問出處

送鮑雅堂之鍾郎中南歸

君自海門來詩名噪日下一官三十年鬱鬱胡爲者買帆歸故
山孤踪殊瀟灑從此江南峯秀色任抒寫夏雨漲溪花秋風掃
竹瓦紛紛門外事與君不相假喚第宿禪堂謀篇入吟社江鄉
大有人何嫌應求寡謝王夢棋

送程也園主事歸歛

獻賦博一官十年清譽仰奔走幾萬里豈敢告艱掌偶然感小
阮謂蘭翹學士不禁增悽惻依依故山雲旦暮觸夢想陌上花忽開

簷前雨又響退思松檜間白鶴任來往物靜塵垢息心遠天地
廣况有一頃田盡耕兼夜紡碧峯容挂笏翠湖許打槳但取自
怡悅不受人推獎

爲程禹山虞卿秀才題鐵侍郎贈詩冊後

主司枋文章舉子徒委質其實性情間未必如膠漆所以知己
感不在得與失程生江南來投我詩一帙竒想天外結逸氣行
間出爲言赴秋試旣獲旋復黜拳拳念知己涕泣指天日細讀
侍郎作情景寫備悉纏綿萬古思慘淡一枝筆寄語獨醒人春
風轉眼疾

治亭侍郎原作有天外雲如倦
遊客雨餘花似獨醒人句云

題余貞女貞花篇後

旣死文焉用幽芳寒欲葩山青骨可葬雲冷夢無家思苦詩偏
好燈昏字易斜梁溪溪上月猶照女貞花

題盛明經本畫材

才子喜看花高士愛寫竹竒氣鬱胸中磅礴解衣速當其下筆
時或自嫌老禿綠雲忽上堦清風已滿屋懸我窓壁間薄涼生
蟲蟲日坐對此君不願更食肉請問桃花源何以質簞谷

我不工作書頗好辨奇字嘗於點畫間覘測神所至熟極自生
巧醇後方能肆盛生精六法畫竹有深意何必著槎枒秋心一
竿寄掃盡烟墨痕寫出蕭閒致不知何處風吹我入寒翠

題顏運生崇翠聽泉圖

心定息塵喧天遠淡秋碧松風吹滿山冷冷響白石獨鳥空潭
飛古苔松堅積有琴且勿彈悄然坐深夕

題運生石門藤塢圖

雲散芙蓉巖花掩石門路迷濛不見人翠濕何年樹斗覺樵徑
風暗襲衣上露心跡兩條然長願山中住

黃小松易別駕白山左寄詩龔圖至

漁洋神悅圖畫者禹之鼎借禪以喻詩心光百年烟余雖鈍根
人孤懷託清迴天風吹紫虛秋夢忽然醒見月神契微聽鐘意

深警此趣只自知豈敢示公等黃君寄我畫落筆殊秀挺中有
我性情詩龕寫孤影新簞掩茅屋夕波動烟艇他年淨業湖說
詩惠然肯

雨後蟬聲

爾亦畏炎熱處高無遠聲晚風疎雨過衰柳一枝鳴久坐踈俱
釋苦吟思忽清蛙喧青草外聒耳了無情

立秋日同人集極樂寺國花堂小飲

世謂富貴人乃登極樂界豈知國花堂我輩足清快天公知客
至門外秋已屆菱菱千花開梧桐一葉敗夜雨涼驟生晨曦紅
半砦主賓十六人性情各有派或藉木叅禪或對石下拜聽鐘
驅睡魔沁泉消酒癢亂蟬吟入詩新簞寫作畫要皆塵外踪胸
中無蒂芥攀林比飛鳥翻笑猿猱憶山果落鏗然露華斜日晒

飲食取適意沈酒矧有戒悠然天地廣萬物弗吾隘寫圖告來
者匪以志幽怪

立秋後三日重遊積水潭

秋水一潭明秋風五年隔荷花依舊紅看荷人非昔聚散感百
端隙駒當共惜際此雨初晴況有同心客晨曦掠波紅遠岫壓
城碧入門鷗導人過橋花作壁林綠染鬚眉露香濕巾舄前詩
紗未籠蒼苔蝕翠石酒痕尚宛然黯淡涼陰積勢位良不齊所
貴取意適安能逐末流事事爲形役舉杯便陶然那復辨彼核
去留勿相強烟外夕陽迫坐待秋月朗三里湖光白

送顏運生之任興化

維揚好烟水君去玉琴攜飽看鄭生煖畫苦吟任子大椿詩梅花
江上見明月夢中思倘肯買書寄不嫌秋船遲

章石樓學海郭虛堂立誠兩大令邀同裘可亭行簡

部沈舫西帆水部盛孟岩惇崇侍御費西塘錫章農

部積水潭看荷

芙蓉已自天然好我比芙蓉更覺閒難得諸公連騎至居然此地狎鷗還花光出水如中酒秋氣移人不在山倘許高林佇涼月寺樓清曠儘追攀

高槐踈柳萬蟬聲五載重經讀舊盟壬子秋曾集此碁劫敲殘涼夢醒絃歌聽罷暮愁生雨添秋水綠三里雲掩夕陽紅半城明歲荷花應更好不知誰抱惜花情

東盛甫山惇大令人灤陽乞作詩龕圖

君今住山中青山障如畫欲乞君畫之恐積隔年債花間展君詩積水潭孟清風故人屈畫長筆札閒旅館意不賤我屋曰詩

龔秋陰綠滿砦煩君寫作圖無事論宗派梧高竹要疎門徑不妨隘小花爭暄妍老石恣幽怪但過約西來別開一境界月明松樹街有客焚香拜

賈秀齋 崧 秋日過訪

門徑半秋草江湖多故人來尋碧梧徑同是白雲身蛩語浩安託鶴聲清有隣知君負奇氣未肯混風塵

旨趣有同異性情無古今百年誰作者一代幾知音雲止樹間綠雨空塵外心君如烟棹待吾欲訪秋岑

有客二章寄懷吳竹橋 蔚光

比來長安中六月熱可怕官閒早閉門尙易消炎夏所苦居近市塵熱不能謝鹽蒲江南書微言何蘊藉奇情古隱淪北宮娛清暇青山與白雲欲買愁無價妙哉君善忘意得形輒化蟠東

月初上有密訪中夜

謝子端孝廉

心安理自得中處無外垓君性江湖宜翩然寄雲烟蓬白雨
涼林屋秋花妥偶然託吟嘯詩中必有我東南名士多先生人
望頗多心乃獨抱自厲霜中竹春草池塘生有客西堂坐

謂令弟梅江

陪鐵冶亭侍郎裴子光

謙

編修何蘭士員外黃杏江

治

主事遊楊月峯

潭

主事牛畝園讀壁上菊溪少甫倡

和詩用韻

我顛不如帶我迂不如璣但聞與率約輒欲抒悃欬況有良朋
招秋園綠陰滿轉眼市聲隔樞衣躡雲館花依石洞幽草掩不
約短老柳折風條新竹挺霜幹小雨過復晴西山翠如盤涼蟬
噪夕陽塵慮忽焉斷

五嶽不可遊雲山識我否田盤近百里登臨期處貧幸茲室則
邇向往矧已久浮屠謂因緣吾意託諸偶適然與之遇此境遂
吾有月上臺可登風來樓斯受見水知魚樂對松忘鶴守深思
妙趣得此意不關酒

外修內必虧君子窮本原曲以致其奧鬱以養其繁茲地僅半
畝中有意匠存頗似老畫師咫尺千里論烟嵐各盡態秋色初
無痕忽聞水激聲一洗筆氈喧主人笑拈花諸客皆無言歸家
三日思疑入桃花源

顧晴沙

光旭

觀察選梁溪詩鈔賈素齋綜其遺稿爲塚

紀以詩

歲暮事祭詩創始唐賈島梁溪盛風雅詩塚誰所造晴沙開
樓羣材歸斧藻扶輪仗賈生文章結永好惠泉如碧玉顧山青

未掃烟澄石貌孤樹靈雲華綺古人去我遠心跡何由討言者
心之聲聞聲或傾倒嗜好每不同春榮異冬槁世人玩珠玉轉
瞬埋秋草身沒則已焉智者不能保茲塚表萬古神明託有道
九龍峯縈廻五瀉水環抱千里渺儔侶詩龕月出皓恨弗從勝
遊荷鍾霜林早

題卽燕溪

汝琛

學正詩冊

太行鬱奇氣詩人多在官歷指我交遊往往工詞翰子自汾水
來名譽滿長安奉職蒞橋門四門慶彈冠投我一卷詩芳襲秋
江蘭高懷謝凡艷逸情生古歌繁音與縟響無從犯筆端近代
吳天章有此清興寒詩易得皮毛得髓良獨難王溪水湯湯王
屋山盤盤漁洋讀斯集合作蓮洋觀

直繩齋孝廉寫詩龕圖見貼

閉門繙前哲願悉君家事利名有由盛矧子過人智讀書具別
裁下筆擅奇致萬彙殊萬舉一一工位置坐我詩龕裏忽然動
幽思潑墨寫作圖無乃寄所寄適然與我合一笑成游戲野洲
秋水明晚花夕陽媚悠然詩三昧初不假文字卽以禪喻之此
爲第一義

金手山

學蓮

出近著商定

長洲王芭孫性拙文固醇狂直與世忤而我交獨親金生亦吳
產丰骨秋嶙峋邂逅意殊洽屢接情彌真乾坤有清氣得者難
其人子乃一枝筆能掃千丈塵出之若無意覽者驚爲神詭異
旣弗尙藹然遊以春長安居已久鬱鬱傷賤貧對酒忽嗚咽涕
淚霑裾巾語子且勿悲悲徒損子身境遇有窮達士氣無屈伸
苟得一知己何必干簪紳矧子斯道重出門途已遵三復史遷

語擇言尤雅馴良材必就範就範非因循明歲槐花黃隨衆來

成均奇字不可用慎無效郭麐

郭麐亦吳人乙卯歲兩試成均皆第一園中以奇字不售

曾賓谷轉運寄六月二十一日集平山堂拜歐陽文忠

生日詩至

荷花生日君生日君後歐公七百年猶是揚州二分月長留瘦

歷一堂烟詩存世上誰知者官到江南始暢然不必西溪託漁

隱蕭閒如此卽神仙

自抒懷抱賦秋聲豪傑何曾不近情白首難忘四君子青山獨

拜一先生

近世蘇公生日人多祀之歐公祀獨闕君創爲此舉

歲華如水客將老酒氣上

天花自明從此南豐香一瓣年年湖閣象烟縈

西溪漁隱圖詩爲曾賓谷轉運賦

非有濟世才難作出世想西溪足幽棲高人息塵鞅終日把一

竿何事復結綳

童子報春及溪水門前綠微雨桃花開濕紅掩茅屋月明天吠
聲往往隔深竹

雲隱梅花根扁舟繫何處寺鐘聽忽闌前村天已曙過橋便酒
家雲深不可去

布帆江上明青山何日買陽羨願僮託鑑湖乞終駮且自瞻烟
波霜天噉肥蠶

曹定軒前輩招同人集紫雲山房石琢堂

韞玉

修撰郎

席有作定軒次韻見示依韻

人趁新涼坐夕暉蕭蕭梧竹掩雙扉山光入畫秋先到酒氣如

雲客未歸鴻爪却教蛛網護鴉塗還怕雨絲霏

齊中存余舊作
其多結壁間者

爲風雨
剥蝕矣
梅花茅屋分明是誰寫
吾廬寄翠微

馬秋葵偶予題詩
龜圖有梅花一樹

泉助德茅屋三間心太平句
先生愛之倩余竹西摹爲圖

丁巳

送韓鼎臣調上舍回里

韓生擅文事書法尤軼倫我凡有著述不敢輕示人生常代揮
洒求者情斷斷我髭斷已屢生脫傷且頻送生返故鄉歷鹿攄
車輪謂生勿促刺有田何憂貧荷鋤太行巔濯纓汾水濱我將
謝浮世靜坐湖之濔裴笠行自隨垂釣蘋花春聊以自娛樂何
心託隱淪

余秋室學士許作詩龕圖詩以促之

先生著作家詩書其餘事興到偶揮酒往往寄所寄求輒不可
得得者亦甚易憶我詩龕圖畫手凡三四先生性高曠用筆弗
謹使我家淨業湖秋水多於地過橋柳接天見人鷗不避清風

僻巷多涼月空庭遲新竹暗香引高梧古昔清此景隨情生初
不關作意能澹無弗宜惟疎乃有致却恐區中人能爲寫山寺

譚古愚

尚忠

侍郎招同百菊溪少京兆小飲

高齋獨塵垢清風生遠林勢位雖不同請觀昔與今春花與秋
月輾轉成古今豈其百世語不如倉庚吟仁智具天性山水生
吾心耳目適相合燦然留色音譬如空谷中萬木時蕭森靜者
息羣動獨坐彈玉琴但取自怡悅涉世何須深

大名走卒知小心秀才儼撫民既克勤治家乃尙儉坐我玉簋
傍慚愧苾芬黍午簌茶烟粗淡香酒波漱長天孤雁翔秋影涼
蟾歛廉隅方砥礪光陰傷在苒黑白原難清瑕瑜詎相掩先生折菊
願從先生遊凡事求自慊

八月二十二日任畏齋

承恩

提督招同洪稚存編修何

蘭士員外遊山

出門冒涼月秋色增曠衍隔樹烟忽深過橋路已轉西風閃丹
陽村戶微茫辨策馬入林際巾鳥露光泣主人雅好事凌晨芳
讌展紅醞經夜溫綠松撥霜剪呼童掃落葉不許損苔蘚同志
聚處難良約今始踐前歲即有遊山之約歲月不我留凡事貴勉西山
許築廬及早一庵選

山南海甸歷青龍橋至寶藏寺

寺原名
紫雲庵

微雨洗氛垢秋山愈秀整穿林途逕紆沿溪村巷永古過青龍
橋皆然非人境目睇白湖烟化作雲萬頃輾繚漾樹外却似孤
帆影我行蒼翠中健步不能馳山寺得小憩午風吹忽冷因思
縈雪庵久矣塵事屏繁華現目前關應京城
屬市皆見何事更端請願與
素心人居高時警省徙倚清泉旁斜目下西嶺

觀泉

我聞玉泉名未見玉泉水何年蒼雪僧創自松根裹白雲一夜
飛秋雨忽然止居人飲一勺往往天壤比朝涵石氣清暮瀉山
光紫豈知在山時冷冷清若此

讀鄂剛烈壁上詩

勲業炳寰宇心清遶花竹蕭閒山寺吟慷慨沙場哭鄂公負奇
略金石盟幽獨松青月色寒悲歌寫成幅我藏公手蹟凜凜生
氣觸余藏公手蹟最富裝成兩鉅軸名輩多爲題詠忽睹秋山詩拂塵拜且讀清聲石
上泉淡影籬下菊塵空不相擾榮利焉能黷岩上雲一尺是公
舊修築

清河道中

綠楊捲西風紅橋亘東日車行絡繹響似聞山鳥叱溝水漾鄰

翠林葉鳴瑟瑟古井鏤黃泥新墻掩青秋
天寒馬益驕年豐人漸辟今歲秋霖多
救厄幸皆實矧計來春麥稼穡預可必
農夫向余言官租紉已畢指點茅簷下
醉與扶又出

重宿北石槽農家不寐

雲門石磴激飛泉行盡陂陀路宛然
老橋相看仍百尺秋山此別又三年
馬經古道馳驅易人過中年感慨先
忽聽雞聲叫中夜破窓殘月影娟娟

石槽店中同蔣霽園

日繪董梧岡鳳三二先生夜話

石匣峯頭握手親玉堂舊事話猶新
秋山縱自如看盡老輩談心勝飲醇
霜裏寒花增氣味月中孤樹愈精神
人生何事悲離合雲水同爲無定身

西涯詩有序

西涯卽今之積水潭在李文正舊宅西故名非別業
也余旣辨李廣橋之誤因繪西涯卷子併摹文正像
於幘首

西涯我屣至未暇考厥名指爲積水潭客至如登瀛今歲看荷
花寫圖紀幽清賦詩皆勝流佳話傳春明茶陵昔賜第言在西
南城西涯乃別業下直聯羣英不知公少日矮屋三五楹紅燈
炯一棋時閑讀書聲老臣憂國深家室心所輕故宅竟不保居
人凡幾更慈恩寺遺址秋夢時迴繫騎馬見林木隱隱思平生

路折李公橋舊廬一水隔楊柳綠依依不見李公宅精搆亭已
頽清響落林隙微風散稻田斜月上松石萊圃全荒涼蓮花總
幽僻條淡經擅花照人猶深碧李公社稷臣杯酒非所適揮涕
白鷗前散髮秋堂夕竹林膏餘興禪房時着屐偶然出詩句幽

懷感今昔艱菜尚難具平泉安足惜惟有法華庵空廊黃積
客來訪西涯扁舟艤湖口指點城外山問訊風中柳我亦沿舊
說溪橋未深剖看花年復年鷗鳥笑人石壁與名士居不曾辨
誰某一旦識姓氏翻悔坐失久快讀西涯詩西涯胸中有文章
驚一代眉壽誇十友翩然神其來面目落吾手紵衫與朱履破
櫝僧能守風流漸銷歇我恐西涯負但期隨老漁烟蓬賣蓑藕

題馮玉圃

培

給諫種竹圖

北方風土寒種竹苦難長但有一兩竿已足遠塵埃所以素心
士晨夕此君想長安花最繁先生常悵快下直取清暇西園茂
草莽鶴馴不避人翩然自來往時和僮僕嬉地靜林廬爽空階
雲乍來小樓月不上偶受午風吹似聞秋雨響何必希渭川後
言千畝廣獨立茅簷下冷碧一天盎

我亦踈放人見竹輒心喜閒階無雜花秋竿老屋倚年年五六
月綠陰流迤邐世方怕炎熱我意澹如水惟乏灌溉術時灑雪
霜靡公具養物心種竹託言耳燥濕審厥性向背定所止欲使
後葉蕃必自根本始功夫積漸加不可旦暮企忽聽春雷聲
龍一夜起待時而後動萬物皆如此

王夢樓前輩寄詩翰至

我思快雨堂拳拳三十載每觀公著作斐然仰丰采青山杞菊
荒白髮文章在清風來做廬好句傳湖海秋堂明月高字字
排愷詩情老更狂禪心枯未改畊田固可樂識字夫何悔一身
比蜉蝣萬事皆傀儡久欲叩元關寄語梅花待

暮秋懷鮑雅堂卽中

時菊保晚節高林生薄寒苔院積眾綠矧有秋竹竿東月耿虛

院南雲停迤轡賞音既鮮觀瑤琴姑勿彈輟酒坐中夜黃葉聲
方乾

題王春堂家庭話別詩圖

人子不遠遊遠遊匪得已出門復入門妻賢心獨喜老父身雖
健年逾七十矣我在汝爲婦我行汝爲子泣涕賦成詩至今留
片紙將侯補寫圖圖爲將最
峯補畫流傳竝女史我生幸安樂足未出
鄉里世間離別苦不知乃如此情溢筆墨外字生毛髮裊秋燈
誦佳句高樹寒鴉起

馬秋藥郎中寫山水樹石十二幀見貽

君自寫性靈何曾借山水放筆出所得意初不在紙及成一境
界世乃嘆覲止低頭矮屋中攤書不肯起酒氣破牖去白雲忽
落凡生平與俗讐會心輒復喜促迫雖不受興到烏可已濛濛

江上烟容與詩龕裏我亦漁者流何日扁舟艤倘許着釣竿行
當舊衰理

陳伯恭崇本祭酒和余西涯詩次韻

未便茶陵比杜陵老臣憂國賦詩曾寺餘竹影僧都散橋喚
光客不磨鷗鳥無猜今尙在文章有價爲誰增舊聞日下重搜
遍敢對新荷證古藤竹垞檢討日下舊聞引西涯事
跡多舛誤余於看荷時論及之

茶陵清望勝江陵樂府新詩得未曾老屋夜深蟲自語破巢春
人燕初磨禪堂風雨何人共詩話江湖幾輩增城北城南乾竺
古棕鞋草笠一枝藤

哭汪鹿園如藻觀察

我嗜葆冲詩令弟雲經修撰著葆冲書屋詩見詩忘其死匪竟能忘之念有先
生耳先生復長逝我哀烏可已才大福難備名存氣不靡君家

舊草堂尚倚白雲裡老石跡宛在

尊甫有厚石齋詩集令叔有桐石草堂詩集行世

蒼

然鮮花紫年年二三月綠滿一湖水莫嘆松楸寒又看春草起

曾賓谷運使寄題詩龕圖詩至

東風悄然至綠我門前湖寒雲勒衰柳新月橫高梧詩本在空際龕又何有乎但以禪喻之一證心情孤所以上黍離語言文字無既落第二義觸處皆支吾君詩納衆有取精遺其麤眼前詩龕詩不是詩龕圖深思乃頓悟詩龕如是失

蔣湘帆

街

用油紙摹李文正手蹟老人孫仲和珍藏因予

有西涯之作重臨一本見貽用文正韻賦詩

蓮花紅到寺西頭閣老當年結侶遊萬竹自搖人已散一鷗還立水偏流心情祇許清樽作風景全憑好句收料理殘縑真解事眼前誰葺李公樓

步楊柳灣尋文正故居不得憩湖邊諸寺仍用前韻

綠楊尾接碧溪頭三百年來幾勝遊
落葉聲多鐘不響夕陽影淡水空流
兒時衫履人都識老去功名史莫收
故宅有誰感興廢春風又滿竹邊樓

慶亭大令邀同人看菊聽琴坐客皆有詩余遲未作復有魚鹿之惠賦謝

看菊與聽琴得一卽足樂矧復能兼之
燈昏坐幽閣夫子豪邁流而性極澹
泊十年朱紱棄五畝秋園拓天風散素襟
林月踐清約高寒自矜尚原不受纏縛
泠泠七條撥置身恍邱壑溯想東籬前
無絃果何託

菊能醫我俗琴可消我憂朱輪騁九衢
強顏事公侯與其傷傲笑不如無應酬
三日閉門坐佳趣悠然留黃齋餘半癯
老蒼生

薄愁忽有肥腴貺七箸春香浮倘肯攜玉琴登我竹間樓雖乏
傲霜花盆梅臘雪稠

蔣最峯指畫

指畫古不傳傳於近代耳且園高侍郎凱亭傳居士今能兼之
者厥維夢禪子蔣侯江南來蕭然挈行李一樽與一硯醉輒寫
不已擅袖瞪兩目憑空出五指左縈清風生右拂白雲起竹青
與石翠紛紛落鳥几草木在岩壑被君攫入紙觀者但矐眙訝
爲鬼神使我固識道妙靜安由知止藝成與德成總弗尙奇詭
萬變主一心肢臂焉足恃

戊午

馬秋藥李石農伊璽卿訪余不值見案頭王生
室別文
奇賞之喜賦邀三君同作

我宅松樹街桃柳高於屋春生籬落間更有千竿竹門閒燕自
飛石寒草猶縮惟有紅白花無言媚幽獨主人偶外出客來皆
不速愛我壁間詩手捫更口讀忽覩王生文三客齊嘆服謂此
希世珍子當韞諸櫝我感三客言心實增愧忍譬如千里馬不
可相皮肉自世無伯樂真才困凡目行當招王生晨夕詩龕宿
同祭文字禪天風聽謖謖

章石樓大令招同人小飲

君衡松樹南我家松樹北春風綠一街詩成我先得讀君西山
詩豁然開茅塞俯仰苟無歉木石皆有色轉瞬荷蒲湖扁舟衆
香國春醪醉百壺解衣尋古壘

宛平署貯雲麓卿
東偏曰古壘亭

洪稚存編修乞假回里賦贈

方今稱詩家不下數十輩摹古厭拘攣求新傷破碎衆長子能

賜是由氣充內遊覽山水篇關入三謝隊懷人念今昨論百鑒
與廢尤能出奇意隱然寓忠誨我交君八年喜君無世態
騎必聯得句牀每對有頌不忘規寸衷私感佩買帆忽南去知
君非引退夕陽舊草堂稻花新雨漑石牀葵扇宜綠酒紅魚肥
此樂不可極慎勿終卷聯文章卽事業办僅雄一代

趙偉堂

帥

大令過訪不值適將餞余秋室學士洪稚存

編修趙味辛舍人兼約張船山檢討何蘭士卽中爲
詩酒之會並邀大令先之以詩

憶我科舉時卽聆君姓名及今三十載望重官猶輕長安號人
海比戶多公卿君獨愛詩龜停車叩柴荆贈我舊著述金石淵
淵聲李白水西句曠代無人磨君乃其流亞敢與雄長爭高筵
大將壘吾欲翺旗鉅行當就松下斟酌桃花觥梧竹黯然綠夕

陽陰復明尚有數狂客酣飲君無驚千古事文章四海皆弟兄

趙子克其松陰散步圖

我雖宅松街却無一松樹每見人畫松輒想結茅住君家蘆菼鄉自饒水雲趣何不招閒鷗沙汀與朝暮而乃就長松盤桓託良晤想當空谷中十年守貞素我亦怕熱人清涼心所慕往往刷茯苓踏遍林中路

四月九日曹定軒侍御邀陪翁覃溪先生及王蓮府

誠齋編修泛舟二閘

連日苦風塵不敢出庭戶今晨蒞郊陌麥天含宿雨下馬叩禪關東嶺丹曦吐虛堂鐘磬寂清齋足簞脯飯罷放船行雲山隨意數道重及譚論情洽忘賓主詩思託江湖酒氣散林鴈橋頭驢卸鞍烟際陽湖初高塚葬貴人亭樾分百渚漁莊綠左右缺

虞卿補宮碑書功德留與過客覩煇赫難百年慨然念今古
歡樂戒無荒流連非所取歸來憩南榮梧陰淡方午

五月八日吳少甫

樹萱

吏部邀同人公餞沈舫西盛道

岩兩侍御陳梅垞

萬全

侍讀曹雲浦

師曾

通泰灤陽

之行

流佚古有戒君子慎禮儀然不求歡樂又爲達者嗤我友無他

技四海稱能詩朋舊誼最篤於我尤偲偲開筵羅衆賓翩翩鸞

鵲姿賤子忝侍坐自愧非瓊枝松間設茶竈花下排酒厄清響

碎冰玉小調翻瀾漪

周駕堂前輩
卽席有作

簾雲綠森動林日紅參差坐

中四行客詰旦輕裝治小別詎云苦執手心焉悲馨峯樹若濟

武列波如脂烏臺兩侍御晨夕丹鉛隨看山悟畫理

孟岩
精畫

走馬

撚吟髭

舫西
美髯

侍讀工書法酬應恐弗支曹侯固健者一臂能助

資收拾殘墨滯母汚潯陽池留綴古紙尾漫辨斜與欹詩能作
珍秘香篆繁孤絲方撮六月間荷花開滿陂洒掃法華庵供養
李賓之李公橋下水照見人鬢眉適際公誕辰公神其來茲自
常攜諸友冒露摘水芝兼採菱與薺開襟近輕颺灤陽四君子
臨風文藻披寫句寄詩龔莫被魚雁羈灤溪雅愛蓮定饒鷗鳥
思駕堂
逆塘西涯花又開李公知不知

東阿雨窓

君約我看山秋雨阻行路我約君看荷扁舟滯寒霧室邇人則
遠車笠輒不遇我家李公橋六月花如幕李公昔釣遊借物抒
懷憐慈恩與法華觴詠凡幾度今際公誕辰盥薦香一炷薄涼
不上衣深碧化爲露幾見塵世客蓮花世界住君抱烟波情倘
肯逐鷗鷺

懷伊墨卿比部灤陽

灤陽唐戍秋不才待

講幃僧院借兩椽四面山光圍秋陰不知午綠暗苔花肥掩關

日哦詩妙與塵事違今子策駿馬野風吹短衣暫時辭白雲永

晝趨黃扉寄亭可還在樹是人全非

庚戌余爲達齋司寇署其灤陽寓曰寄亭峭壁

我題可漫憑蛛絲霏君昔爲拂拭尙趲繚月微冒露攀寒藤沿

石穿紅薇若聞山鬼嘯足有蝙蝠飛把火照嵐翠莫伴樵子歸

鍾峰與帽領尙煩蝌蚪揮

存素堂詩初集錄存卷七

柏山 法式善 關文

戊午

東夢禪居士

君畫得自天非以意揣爲化機所感召下筆烟波隨或者謂倪
迂又指爲黃癡豈識君胸中泊然風生滴松濤響天壑石氣淪
山肌相對久忘言智巧何由施淡墨寫詩龕竹樹青差差不從
禪境入亦不求諸詩此謂大解脫妙手能空之畫理我未喻君
固莫我欺交後性情先萬事當如斯

送李石農觀察浙東

君昔栖吟廬識君爲英豪豪筆

神武門風雪仍青袍時復相詩龕語苦心切切我勸君勿憂君

筆鉅如刀偶然聽秋雨對我歌離騷忽忽二十年我已枯禪逃
君官白雲司宰相稱賢勞街

命趨甌越行見麾旌旄不忘貧賤交追敘曩嬉教知音豈其然
爨下琴材遭君留別詩有生平第一君知已我本當年爨下材
自註云余落拓者明首加拂拭者詩寵主人也過橋楊柳短倚戶梧桐高他年如過訪記聽松街濤

馮湘岩

兆晦

郭謙齋邀諸同年陶然亭讌集余侵晨往

二君皆未至

炎暑不可犯晨光動清蒸入門問主人蕭然見鷗鷺
烟火氣全無風露味頗有山頭日影斜獨客坐已久

自嘲

哲生前夜雨花落一溪風飲酒不求醉看雲時欲空年衰羞見
馬天遠喜聞鵲鏡裡還相照驚余已見翁

和西涯雜詠十二首用原韻

海子

秋水雖有泓渾與湖實通欲和滄浪歌不見滄浪船

西山

世人愛青山往往嘆白首我每趣朝爽石上坐獨久

響閣

春流靜無聲烟綠一溪滿偶逐白鷗行雲掩石橋短

慈恩寺

誰是百歲客來看千年藤佛在我心中何必仍尋僧

飲馬池

立馬背夕照心事誰相憐恐驚鷺鷥飛去去休投錢

楊柳灣

路折松樹街蜿蜒細如繚楊柳綠到門芙蓉紅上岸

鐘鼓樓

自非警晨暮夜半行者稀秋葉蔽潭口打魚人未歸

桔槔亭

桔槔已久懸雲水空亭邊惟有賣藕客猶種花中田

稻田

春雲溪上融一雨便霑足江南船未來已報紅粳熟

蓮池

清風振林翠遂覺秋來早蓮花世界居超然淨熱惱

菜園

灌園無乃拙但數春雨聲我亦淡泊人菜根喫一生

廣福觀

馬影出花外人聲喧樹底清
磨響經壇聽者隔秋水

續西涯雜詠十二首

積水潭

何年積此水漫潤春明城
西山一夜雨萬柄荷花生

滙通祠

鑿石蓄春流築堤洩秋潑
欲訪法華庵晚暉烟柳噪

十刹海

梵宇儼號舍而名十刹海
壇上石竹花春風吹尚在

淨業湖

但許人看花不許人打魚
罇是淨業人來此湖上居

李公橋

既視李廣名慈光更無著
誰舉李公橋補入景物略

松樹街

僻巷瀝蘚花萬葉松檜啞猶有古月痕留我秋綠下

慧因禪院

慈恩不可見茲院題慧因僧厨清淨香飯後來儒紳

鰾菓亭

水光緣半城花影紅一堦徜徉此亭中何必買鰾菓

慧果寺

佛閣維溪頭夜深燈火斷時聞梵唄聲清切語天牛

豐泰庵

門受簷葦風簷滴檐柏露蕭然白髮僧半生狎鷗鷺

清水橋

一河亘斜林藕花烟外吐只許說詩人月下款我戶

詩龕

心悅李公詩居近李公第但願公同龕不願公同世

題謝薌泉金焦小草

山是金焦好梅花別有村貧來詩不損官去道仍尊秋綠連雲
起江烟入酒昏年年訪支遁那是謝公墩

題冶亭侍郎鏡中小影

既妨大光明何容一塵滓潭潭古明月泠泠此秋水
孤山老梅樹幻作先生身先生若不知而曰存吾真
虛堂寫清妙老石現幽怪我有米顛癖一見輒下拜
夜窻花氣浮澄江雁影落誠問雁與花可曾形迹著
聽水謠道心看雲息塵鞅不見磊落人詎作遺世想
揀鑒十五年士林抑灼見願君持此心百年恒不變

旣題前詩復讀覃溪先生作輒衍其意

老鐵梅花夢已奇
梅庵宗伯復徵詩
眼前誰是梅花主
兩雪空山又一時

六月九日招同人集西涯舊址

蕭蕭湘南雲依依
城北樹几筵雖弗備
肴核畧已具邀客祀茶
陵茶陵渺難晤聊以藉清醑
望古申遐慕沙徑一雨過苔淺不
碍步衰蟬忽停響山綠散爲霧
山水紅芙蓉迎人立烟渚咫尺
塵市間導人惟鷗鷺

我家松樹街街東李公橋
沙石響清瀨烟綠繁林條傳聞李
老僧此衡門僑慈恩與海印遊
覽方垂碧厥後旣貴顯不忘陂
水遙時復偕僧榻朋舊相招邀
秋風振寒竹白髮同蕭蕭心事
不可說悲壯成歌謠非果戀簪紱
無志儕漁樵至今春溪流猶

作江聲搖

風流兩縣尹

石樓虛堂

趨蹌拜詩老

單溪先生

古佛親無猜

夢禪兩峯

禪心託

畫簾誰鼓冰玉琴

松風吹浩浩

鮮衣磅礴者據石作狂草

冶亭

餘輩名海宇筆各雲烟掃旨趣雖不同要皆適於道情文取真

率來去奚遲早物貴任天動春榮而冬稿所以池上花開謝年

年好

世間曠逸流動謂江湖樂豈識樂由心形骸安能縛苟鮮富貴

念何必侶猿鶴謝彼塵垢擾吾志自淡泊客來永言笑酒至暫

斟酌海子閱歲時水流聲如昨又沈昔繪圖二老不可作

石田繪移

竹園倚山

安知百年後此會弗古若

繪移

為阿兩窓題羅兩峰黃約領

聯

合作城東訪友圖和雨

窓韻

何必遠城市草堂秋一邨蒼荒仍得展竹短不遮門老鶴避人
立新蟬冒雨喧主賓各清妙相對竟忘言

旃檀林咫尺把臂是何人竹雨聽前夜梅花悟後身江東詩有

格謂兩

峯于久筆無塵

領

夢覺畫禪室焚香證相因

趙偉堂大令之官安肅出種松圖乞詩

我讀謝公詩輒思謝公里君從宣城來貽我十丈紙乞寫詩龕
句蹇拙君獨喜梧桐已深綠菱荷風又起高人跨蹇驢來往隔
秋水須記短橋柳斜挿白雲裏

君今官縣尹當亟求安民姦尤亦易除要使歸忠淳玉琴偶一
彈不若幽風陳安邑鄉俗古種菜能療貧蓮勃萬松葉遠勝秋
風純助長君不爲灌溉方循循治松小事耳我望君治人

周載軒厚輒

編修新構藤書屋落成

先生濟世材而繫烟波思對松愛雲濤看竹懷風漪瓦屋僅兩
間繚以青藤枝開窓片帆落掩戶孤篷歌夕陽散春影打槳林
塘遲先生每下直倚樹撚吟髭飲盡一斗酒詠罷千篇詩仰天
忽狂笑海上需何時塵市苦湫隘動言無臺池所費二百緡已
足勝茅茨荒木得嘉蔭小草生新姿昔年荆棘場此日花盈墀
推茲經營方大好舟楫治慎勿託漁翁爛醉秋江湄

寄曾質谷運使

有序

六月九日邀同人於西涯舊址爲李文正作生日因
憶賓谷亦於是月二十一日爲歐陽公作生日蓋賓
谷生僅後公兩日且與公同鄉里余第以居近西涯
搜討軼事強附後塵不亦僣乎賦詩誌愧兼寄賓谷
詩龕卽西涯屢考茲始定慈恩寺不見積水潭可證當年荷花

開文正饒逸興適爲公生日公與荷花稱於今三百年樹遠山

光凝六月初九日客來訪名勝

翁重溪先生以下凡四十餘人皆卿士中知名者

因憶

廬陵翁膏馥廣陵賸江風吹夏涼山月照人瑩高筵客沈醉野

水花初靚歐李兩生日宛然前後乘我喜搜舊吟偶一識途徑

先生不我棄題詩遠相贈殘書及敗紙亦弗覆瓶甌

余刻同館詩賦君甚

重非敢擅作述聊以心慮罄悵望題襟館晚烟生日暝

章石樓晚過詩龕示西涯詩依韻

詭言宦海浩無涯詩興年來似轉加百感拚消今日酒一生能
看幾回花雲低暑徇孤燈暗風定疎簾淡墨斜正是亂蟬喧樹
底不知清磬響誰家

爐香字影悟前因詩裏身原畫裡身看竹定須青眼客愛花偏
是白頭人故交零落關心甚舊學商量寄慨頗欲訪畏吾村遠

近僧廬殘碣已灰塵

周戟軒得余詩推許過當感愧賦此

作詩良獨難讀詩亦不易先生創此語是有過人智梅花何與
詩悠然見天地萬卷熟胸中清心發妙義西江宗派圖吾嘗取
其意性情無古今體裁有真偽當由涪翁語上溯柴桑子

曹儼生

振鏞

少詹事過訪貽詩賦報卽送其典試楚北

我懷湘南人君今湘北去過訪小西涯新涼際天曙荷花盡出
水不辨鷗飛處先生貧說詩衣衫濕林露

嵩山句廳舉武林句霞蔚

少詹視學河南主
試浙江皆有詩

茲作雲夢遊筆挾

雲夢氣境界由心生詩以變爲貴然此皆餘事滿之則無謂使
君持明鑑辨別涇與渭維楚固多材要不同凡卉所當加拂拭
莫惜精力費

自題移竹圖 有序

白石翁爲西涯作移竹圖併西涯自書移竹種竹諸
卷今藏單溪先生蘇齋余旣摹西涯圖繆齋堂舍人
爲寫照吾壻吾兒僮僕附焉夢禪居士見之以爲肖
難寫竹石其間題曰移竹圖者亦白石翁意也詩以
誌始末爾上媿西涯則吾豈敢

西涯移竹圖畫者洮石田西涯自題詩筆墨龍蛇騫真跡藏蘇
齋幸未成雲烟想昔過僧廚蒲筍非參禪湘江不能去忍見新
篁娟當時憂國心暫滌秋竿前

慈恩寺已頽誰問慈恩竹惟有老柳條春流染如沐差喜玉泉
水左右抱我屋詩龕百不堪蕭寂宜花木此君尤我稱一雨千
竿盡始引清風來漸紉秋氣蓄雖居塵市間幽僻似岩谷

短竹掩我門長竹映我戶有時明月來不必梅花補萬綠成一天時時響秋雨與其簷下寄何如牆外吐循階與竹約龜勉學老圃物苟遂其生弗惜餘力努

吾壻屬貴胃其性頗謹愿坦腹修竹間時時竒字獻吾兒方六齡貪書更強飯不要汝才多但要汝身健東堂日未斜西嶺雲初噴抱甕雖未嫻習勞由此勸慧智存疚疾功名出傭販有僕許與張侍我年最久許也因於病張也因於酒餘奴安足道祇堪效奔走顧老雖吳人性不辨然否但取能荷鋤要不厭老醜相期西涯西種竹一千畝

夢禪老居士搢袖寫蒼石下筆成綵旂而無下筆跡新涼天外來澹我秋堂夕竹烟與墨氣入夜各深碧致令問字人認作楊雄宅

繆九蘊至性又復工文章寫生偶爲之神妙爭毫芒移竹尋常
事示我經營方貴賤無或越心力如相將作息胥恬熙家室占
寧康不同晉七賢藉竹舒清狂

東坡與山谷於竹皆有託我非蘇黃比而樂我之樂竹處衆卉
中清姿殊淡泊北風徹夜號萬樹傷零落惟我青琅玕猗猗尚
如昨天寒心更堅地窄情逾綽寒翠蔭詩龕百年與爾約

送羅兩峰歸揚州

水雲君性情乃久居京師下筆靡不有難救寒與饑一庵苦僣
臥秋夢繁兩峯別號花之花之寺僧買舟且歸去豈止鱸魚思譬如縛柳

樹宛轉登堂堦幽艷條華貴觀者生嗟咨孤根返故山烟雨空
濛宜蒼石共偃蹇明月共委蛇未屑侶桃李顏色春風時

肯訪竹井翁甫忘覽君畫時復請蘇齋知君詩有派壽門嗟已

死誰償亦諸債

亦諸詩僧壽門一生皆其供養也

君挈濃墨汁洒遍今世界樽

酒偶傳述江湖已佳話三至春明城惟寫梅花賣公卿願締交

君獨揖不拜與我交雖遲十年忘帶芥憶睡秋梧間日高白髮
曠

我喜江南山復喜江南樹天公獨我慳廿年託遐慕猶幸藉君

畫虛堂作良晤梅花障子間瞥見山村路因念昔交遊今多江

南住清風隔天末停雲感日暮楓丹與菊黃登高豈無賦詩龕

非禪棲獨學增瞻顧又逢秋雁飛載和城南句

兩峯前段南歸覃溪先生送行

有樽酒城南秋雁飛句世多傳之至有畫爲圖者

蔣香杜

崇于野萍

同訪詩龕出錢辛楣大所庶事所署

梅石心知圖并題句見貽

翩翩兩奇士攜手欵我門懷袖各有字黯淡烏絲琅讀罷但微

笑欲辨忽忘言貽我心知圖蒼石梅花根賤子樗櫟材位置春
風園名章題絡繹風雅探本原詩龕結孤夢香雪江南村竹汀
老居士慰我平生魂二客坐無語階下重聲喧高梧綠仍縹新
凍紅初繁爲許校奇字洒掃篁中軒

蔣蔣山

徵齋

寄雨窓讀史諸詩

人無好古心萬事何由準濟險負平日出門乃絕鞫蕭蕭風雨
來秋夢寒初引三杯綠已暗一燈紅未泯心空氣乃平理至情
忽忍今懷昧昔旨論斷必不允設身以處之始能曲折盡溫柔
敦厚遺高唱殊蛩蛩墻陰半覆蕉階下全抽笋三日不下樓黃
葉聲已緊

送王春堂屯牧德安

得劉公一紙賢於十部榮劉公官都督厥時方用兵暇逸竟如

此丹乃昧重輕君雖戎馬諳職守仍書生
睥睨壯懷馳嘯傲秋林清匪甘託閒放姑且陶性情
吾諳勝國詩郭賊皆有聲郭登威繼
光折衝樽俎間時復新詞營君出屯楚北努力護羣氓威德宣
且歌好句吾重賡

題宋梅生儀部梅花背面小影

我本北方產不識梅花樹但聽說梅花中
懷輒傾慕因拈涪翁語空山託禪悟
廿年冰雪心稜稜呈絹素秋葍庵題詩
人間傳好句萬生氣歛寄畫梅得梅趣
知君蘊蓄深面目弗刻露但寫精神出
與梅相比附烏帽抗黃塵奔走長安路
春風雖得意看花如隔霧豈知偃蹇久
翻致根本固祇自勵歲寒勿直傷遲暮
胡蕙麓遜郭虛堂兩大令飯彌勒院出西直門遊極樂
大慧諸寺訪畏吾村李文正墓歸詣詩龕備叙端末

詩以紀事

人澹官轉閒才高心自遠聯轡叩禪關蒲筍松下飯落葉空廊
深秋林斜照晚言訪畏吾村白雲遮翠巘殘碑積瓦礫老衲語
悽婉古墓廢百年荒草無人墾子孫散江湖牛羊牧墮阪孤僧
力孱弱僅荷土一畚年年二三月雨細桃花堰剪紙酌酒煖聊
以告疲蹇二君聞慨然望古增纏綿歸途詣詩龕向我述款懇
我家西涯傍看荷每忘返欲考軼亡事老輩誰數典當乞蘇齋
叟磨石書拓本

二大令欲委大慧寺僧
修復文正墓刊碑寺前

九月二十日由畏吾村至大慧寺拜西涯先生墓

畏吾村迤東魏義大慧寺

土人稱
大佛寺

寺右三墓場二具銘與識

爲一

大監張墓一

土峰屹南向截樂起平地巋然斯墓在曾否白狐

爲劉氏墓

睡相傳文正父淳有善行卜葬時有老
人告以白狐踰處吉當卽斯壤也

微茫荆榛中尙隱冢三

四以懷麓堂文考之當有五六家今存者爲石爛松楸枯何處
西涯祖考墓西涯墓址已明作麥田矣

碑記吾讀懷麓文遷祔叙詳備饗堂雖莫存規模見宏遠吁

嗟李文正高才躋大位身後子姓微卓澤人淪棄蠶鹽弗克繼

瓦金漫紀載其家族姓漸微至有以墓碑搗碎和鹽賣者室構焉能治功業人不稱矜重在

文字賢者責獨厚此亦春秋義我因居西涯年年賞荷菱慈恩

及海印一一皆考誌詎惜踏黃葉穿林剔蘚翠笑煞白髮翁邀

余坐茶肆自言八十年無人問此事翁石姓自言八十六歲矣三世居畏吾村

和胡蕙麓大令訪西涯先生墓詩

西涯宅廢水空存又叩禪扉訪墓門病衲斜陽翦榛莽老癯秋

雨嚙松根僅留詩句傳湖海無復蠶鹽計子孫三百年來誰過

問暮鴉黃葉畏吾村

慶亭別業看菊同翁單溪先生

初冬百卉腓侵曉濛濛霜嚴我弗畏驅馬旂檀宮薄雲林頂
綠初日檐端紅瓦盆列叢菊隨意墻西東如逢幽隱客散髮空
山中名姓不煩問塵跡一掃空詩老善言詩花與詩理通有琴
而無絃面壁思陶公齊中蓄古琴十六而皆無絃壁上懸陶公像
世人矜種菊方秋開滿籬所嫌過矯揉接以青蒿枝縛束既太
苦紅紫炫詎宜養菊有至道智巧無從施譬裁鴻文者不假穿
鑿之但使真意在顏色非所期晚節倘能保豈其傷暮遲

上翁覃溪先生用山谷上東坡詩韻

無術悅賓客低首名利場伏潛事師友妙理澄心光從來詩書
腴遠勝膏粱香所恨性樗散萬卷陳東廊年年偕秋士目睎槐
花黃升沉苦不齊滋味嗟同嘗鴻鵠有遠志詎委沙洲傍道路
本弗阻毛羽胡輕傷

琴師理微軫得趣措及聲國醫療疾著效復與琴我身非金石焉保延修齡日西而月東惕然念浮生達人閱身世萬樹顧根蒂往者去益遠定非自爲計吾道有真樞不敢混疑似

謝蘇潭

放昆

方伯由浙中爲單溪先生作西涯圖附以

詩先生和之余亦繼作

西涯佳話共西湖千里論心藉畫圖種竹詩成諸客繼尋鷗人去一亭孤江山夜雨愁仍在春雪盆梅迹併無祇剩石田殘墨影十分涼意託菰蘆

隙光亭子今無主朱老查翁又不存一片鴛鴦湖上夢百年楊柳樹邊門西江宗派何人接北海文章一代尊那得詩龜例詩境聊憑句水涵鳬窟

寄陳桂堂

廷慶太守

出門雪氣厲閉戶吟魂孤風吹米舫秋綠瀉梧門梧沅湘聽春
雨佳句傳江湖奉母歸古華不是思尊鱸打槳明月渚宿釀茆
亭沽醉倒梅花下此夢蘧蘧乎水邊孝廉船謂王陽甫隔浦煩招呼

大雪晨起戲柬仲梧

鳳林

孝廉

老屋荒涼未足奇冷官原不耐朝飢近來恭透齋心法蒙谷山

中人食蛤蜊

存素堂詩初集錄存卷八

柏山

已未

送金手山南旋

跨驢訪我雪龕西
松樹蓮花取次題
九十日春半風雨
蘆溝橋外柳蘼蕪

此去江南春草多
桃花紅奈酒旗何
旃檀寺外朦朧月
照見愁人打槳過

春雪初霽謝蘇潭方伯過訪歸寄新詩次韻

蘇潭健筆按蘇齋
格調雖殊旨趣諧
何待琴樽攜栗里
早尋鷗鷺過松街
湖邊山影綠初瀉
雪外桃花紅半埋
難得使君愛幽僻
東坡訪後又西涯

在齋詩集卷八
自古詩推詠史難茶陵樂府播騷壇如公能更開生面此調何
嘗肯不彈秦漢文章延鹽緒東南財賦挽狂瀾他年賜第西涯
上鰕菜香清忍獨餐

題夢月圖

夢鹿理或然夢蝶機誰發忽然悟此身前生是明月參透真與
幻何物非我有坐老梅花根上有翠禽守動盪雲之情光明月
之體與其逐雲行不如偕月啟才人多好色學士易逃禪我無
才與學焉敢忘蹄筌

訪極樂寺僧不值

有心塵慮刪策馬叩禪關僧却買花去目斜猶未還任風吹果
落留客伴闌閒直待響魚鼓余仍看碧山

不是釣魚莊溪橋宛水鄉花隨人意淡我較佛心涼地漫樓臺

影庭蕙草木香眼明發照禪牆爾海雲光

錢梅溪詠畫蘭見貽作詩以報

人愛籜石詩我愛籜石畫匪謂畫勝詩世鮮擅此派今乃見君
人湘烟秋不壞全從隸法出弗留一筆敗自與塵埃遠綠淨滴
石砦十年空谷中無言足清快春風雖噓及詎肯長安賣沅江
擊天末澹影夕陽晒惟遇同心人停琴寫幽怪

贈曾賓谷運使

連日送行客苦吟無好詩君今亦言別令我重相思松樹綠邊
巷菊花紅外陂一龕兩人坐同話住山時
揚州騎鶴地誰識使君勞詩較平時瘦官從此日高憐才晨握
髮校字夜焚膏莫漫西溪隱絲綸望爾操

訪孫少迂銓孝廉茶話許作詩龕圖賦詩先之

我弗能作畫而嘗究畫理必先有性情然後出腕指意得象乃
忘莫之使而使人多唾我迂我亦秘厥旨孫侯持道心名世廿
年矣潦倒春明城春風吹不起賣文作活計一貧乃至此雨晴
欵君戶苔暗綠浮几夕陽剛下簾潑射東壁紫心空人山宜語
妙談禪抵許爲寫詩龕曰龕弗龕似畫竹畫精神畫石畫骨髓
筆涉竹石外趣取竹石裡我龕在何處與詩相終始君畫詩龕
圖不必求諸紙

寶谷運使旣和西涯圖詩并示邦上題襟諸集跋後

廬陵與茶陵文采後先映蜀岡暨西涯過客咸起敬每際荷花
開藉爲兩公慶顧余少學間遑復修觴詠偷閒弄文墨出語戒
優孟慈恩寺久墟懷麓堂易姓舊時老柳倚搖向風中勁詩龕
昨夜雨湖上綠初淨快茲巾舄清聊適魚鳥性高望題襟館東

南一時盛賓主各賢豪詩品到仙聖日暮感天末一巷偕臥病
匪敢希東坡二泉詩取證

竹醉日訪船山太史不值遇雨話朱野雲鶴年齋中

余性不能飲而好交酒人酒人亦難得結契惟蒼筠今日竹醉
日出門詣所親太史酒樓去門外空車塵驟雨驅午熱清風來
比隣揖我坐蓬廬意款詞尤真中腴外弗澤道富躬甘貧搖動
一枝筆天地爲之春維摩畫中禪證以彌勒因何以藉詩龜寫
出巖挺身碧梧要孤直怪石須嶙峋三間藏書樓半面捕魚津
水涼夜深至天綠林風振參差萬竹中一客垂烟綸倚石對此
君勝飲醇酒醇陪牆忽大笑秋影留吾絃調船

秋菊許爲作詩龜圖久未聞命敦索之以無從着筆爲

詞賦東

人謂畫與詩可以學而到豈知無性情雖學亦不妙西湖秋菊
庵天爲詩人造詩有未盡處畫以宣其奧忽自得之已弗藉鬼
神告虛堂萬綠歇清機道心召流水日東下圓月耿孤照主人
據案起把筆向空笑焚香參畫禪閉門鑿詩竅我家西涯西待
君寫幽隋竹青與梧碧無論肖不肖位置我何地憑君一心調
所願侶琴書不然或耕釣

小西涯晚步

斜日下樓閣亂山城外紅一雙碧蝴蝶飛入藕花中
柳絲千萬條薄愁縈不住一任東風吹綠我門前樹
塵埋懷麓堂雲掩慈恩寺借問馬上人誰識前朝事
我非佞佛者姑以龕名詩詩在我心中問佛佛不知
人所不到處便有青草生秋風吹已枯春風吹又榮

但聞搖撼聲不見搖撼處港口打魚船已被風吹去
笋剛半尺長苔已一寸厚松根踞醜石久坐忘石醜

寄題方薰奚岡畫陳澱水希濂舊廬圖

吾聞石蓮山最擅越中秀衢江流邈邈澱水碧新綢當年張志
和曾此烟波留茲誰傍蘭芷茅茨面溪構居久泊西湖不忘家
山舊紫霞蒼雪間猶聞鳴玉漱方奚二處士下筆寫雪寶迴峰
出遠勢幽澹蓄急溜草荒花自閒田腴石愈瘦長松與密竹明
月照不透學使阮芸臺昨邀我垂簾坐清晝品隲浙中畫方奚
實領袖我亟脩竿牘雁飛思弗就方擬詩龕南又挺青兩岫余
作札寄謝蘊山秦小岫乞方奚二處士畫孰知造物心嫉人巧爲購然詎做余貪而
竟促人壽趙味辛告余云方處或者道路心傳說涉悠繆斯人
倘在世煩君寄聲候海上抱琴客甘心知者奏雪壓冬花庵裏

梅幾枝茂肯傲神樓圖邨遞春明堦

詩龕十二像

陶彭澤

彈琴不彈琴飲酒非飲酒籬下幾叢菊門外五株柳詩在天地間適然爲我有

李供奉

蓮花是化身偶然師謝朓落拓宮錦袍激昂青雲表舉杯笑明月一酌天門曉

杜拾遺

天與愁苦辭一吐忠愛氣風雅道不衰草堂萬古貴當時嚴山丞可能同臭味

韓昌黎

八代癡狂瀾中流一砥柱見到聖人聖掃去腐儒腐豈獨碑版
文卓哉照千古

白香山

遠之雞林求近之老嫗喜一部長慶集人情與物理襲貌遺其
神儻父面目矣

王右丞

有聲與無聲二者相取資箇中微妙處不在畫與詩天風激海
月此意何人知

孟山人

不上比闕書而歸鹿門嘯詩成配輞川輞川爲寫照至今孟亭
上清風留咳笑

韋蘇州

有嘉堂詩集卷八
五
松風戛麋玉稜稜冰雪概逸情而高致謝絕粉黛露願留燕寢
香一瓣沁肝肺

柳柳州

詩文敵韋韓奇才老邱黎
後薦荔椒生前倡猿鶴
蠻烟瘴雨
中幽險一手盤

蘇東坡

抗直世莫容忠愛天所許
槃槃宰相才
趙趙仙佛語
泰透華嚴
經坦然出典處

黃山谷

公嘗自題像謂是有髮僧
將以不二法而參無上乘
世却傳公
貌宛然王右丞

李西涯

與君比隣居結此曠代慕朝廷顧命臣深心維國步孝宗靈有知不責公阿附

馬秋葯有咏萬壽寺松詩朱野雲愛其句繪松鐫石乞余題後

萬壽寺裏松拔地三十丈偶來坐其下陰森不敢仰羣偃蹇已死誰能爲寫像惟我朱山人性如松倔強下筆出奇氣天地爲之廣偶吟秋葯詩遂作冬嶺想寒烟覆僧牖孤懷託草莽位置虛堂中涼月忽清朗十年苦蘚侵一朝烟墨養夜深枝幹活定有鶴來徃我欲彈玉琴泠泠秋綠響

詩龕論畫詩有序

十年以來爲僕圖詩龕者不下百家畫日以多思日以闢凡夫山水之音卉木之秀溪橋堂榭之清幽風

雨晦明之變幻皆爲我有借烟雲爲供養所獲蓋已
多矣長夏畏暑每一展閱沉疴霍然因選工裝之或
三五家或十數家彙爲一卷前後次序無所容心唯
視紙之高下長短以爲位置裝成凡得四十家人各
係詩三韻繼自今存亡聚散所不能免以人寄詩以
詩存人情有餘於畫之外者詩龕云乎哉

朱山人

鶴年

下筆有秋氣對坐來春風獨至取富貴先生術不工蕭然身世
忘露白黃蒼中

顧處士

鶴慶

墨雖著紙中筆欲出天外氣力若弗使精神與之會王治書既
鮑鍾詩竟難君籠蓋夢樓雅堂皆君同
已讚君不絕口

宣孝廉 立欄

君家科第盛餘事丹青擅魯公一枝筆石田十尺絹風雨坐西
堂竹梧秋欲絢

朱山人 木

觀其大落墨人不覺其苦豈知含毫時鞭心獨及古江上看梅
花隔年一枝補

吳翰林 陶

作文嘗千言作畫僅數筆知君刊浮華一歸於簡質欲添數筆
竹又恐秋氣出

宋孝廉 葆淳

善辨周秦文苦搜金石器遂藉古隄筆傳出幽邈意卽以畫師
論精能亦已至

夢禪居士

瑛寶

是禪不是禪
明月入秋夢
偶爾性情寄
蕭然筆墨弄
匪肯臥空山
作意異凡衆

羅山人

聘

詩門老弟子
頗能作小詩
畫偶託古人
徃徃神似之
生平所得力
全在梅花枝

江侍御

德量

玉堂舊仙客
一生究畫理
此中有悟境
不爲古人使
何以圖詩龕
却傲虞宛沚

玉撫軍

德

聽雨寄亭中
蘸墨寫秋綠
篋衍藏十年
山雲時欲觸
天台雁宕間
何日勝遊續

馬侍御履泰

詩理卽畫理
輞川昔不言
君能冥悟之
坐老秋菽根
忽然向余
說月過江無痕

孫孝廉鉉

虞黼倪與黃用長舍其短
騎馬春明城
飲酒蓬萊館
雖然侶神
仙宦情從此懶

姚山人景濂

父子並作客
畫却門戶別
豈其下筆工
便致謀生拙
漁業湖蓮
花可比君孤潔
君父子俱客富春公卿嘗于賞
荷之日爲余寫淨業湖景色

萬大令承紀

前身我是僧
踏遍江干路
君以禪喻詩
寫出浯翁句
扁門闌無
人萬本梅花樹
君爲余寫山谷今作
梅花樹下僧詩句意

張檢討問陶

君於詩獨工作畫本勉強不過借酒力一釋胸中痒然我微窺之時有出塵想

顧主事王霖

前歲寫梧門秋氣隨筆落今復補簞石一梅守一鶴恐被海東人認作清秘閣

張通判道渥

戴笠跨蹇驢訪我松樹下使酒墨氣出誰是知君者夜深雪打門一龕擁爐寫

王山人霖

十載瀟湘遊山水識奇妙兩寫西涯圖特做文待詔粗枝與大葉人所不能肖

吳孝廉 烜

昆季皆工詩君畫稱作手踏蘚叩梧門坐忘樹石醜放筆溪亭
中斜陽下高柳

關學士 槐

君從庾嶺來梅花胸中熟偶添峰數角便作詩人屋門外雪三
尺几上書幾束

關學士自粵使回寫梅花雪
景見贈書庾人賦於其幀

萬明經 上 謫

手擎一壺墨心忘十丈紙潑向空庭中須臾雲壑起狂走出門
去大笑不能止

曹指揮 鏡

能以自家筆而寫他人心一天風雨時半榻竹柏音昌其詩與
書有女名墨琴

周山人

淦

鐵簫吹一聲林綠潏然滿用筆一塗抹槎枒森雪壁長安酒肆
中秋聲何處覓

倪山人

璩

疎簾水外烟蒼石秋來影玲瓏舊山館草荒風日冷浮家五湖
去可勝招提境

圭山人

州元

石谷梧石圖願園持贈我辛楣老居士千里心知頗石谷孫畫
石置我梅花左

石谷梧石圖初願園所貽錢辛楣前輩復倩山人作畫署梅石心知圖見贈山人石谷孫也

蔡主事

本俊

近日黃纓飄自詡工閭派淅瑟落窠白焉肯一簞憐端士之所
爲從不涉險怪

張山人 賜寧

粗紙更硬筆慣寫森秀態秋烟澹庭宇露氣動花菜一經君點
染木石皆可愛

潘縣尉 大琨

下筆有生氣何事取衰颯俗塵掃果盡詩且仙心雜負屨衝寒
雪不嫌黃葉踏

吳處士 文徵

篋裏泰山雲胸中東海水蒼蒼赴腕下不知誰所使斯人竟窮
餓誰當援之起 處士在山左幕最久

盛中翰 偉大

今年畫一樹明年畫一石致令冠蓋徒裹足雲林宅獨我詩龕
中往往得手跡

繆處士頌

人疑畫亦癡其癡不可及昨冬我出門抱畫雪中立酌酒邀君
飲君竟不肯人

高山人 玉階

筆散澤蘭馥人肖新篁影徘徊秋樹底忽焉奇思馳世外青山
間雪中紅日永

黃上舍 思長

手製蒼頡銘就我秋燈繕浪浪疎雨聲滴響梧桐院因之暮寒
碧鐫以紅泥硯

余學士 集

特薦爲翰林文字是職業何以四品俸不能救窮乏晨夕調丹
鉛而我用法

黃刺史易

君筆得自已適然與古契縱觀山水奇詳考幽巖制海上寓詩
齋其人想天際

蔣學正和

借酒罵世人世人看不破賣字作活計半生困寒餓知其詩畫
趣落我一個

王孝廉學浩

君以淹博稱畫有積卷氣卽其急就章人亦競寶貴月上虛溝
橋照見君歸未

陳進士詩庭

詹事致我書謂君性恬靜坐石聽幽泉山夜秋懷永愛畫入骨

懷宦情久矣冷

君鐫小印曰
愛畫入骨髓

王處士 站

蹊徑熟胸中青黃一筆掃寺鐘打五更剪燈續殘藥獨得春夏
氣不肯留枯槁

邵秀才 聖賢

竹橋自江南寄我一峯秀似出衡山派林疎而石瘦大抵詩人
筆清光紙背透

宛平令胡蕙麓以隔院荷香冊子屬題

水東花接水西堂還是花香是水香石墨氣涵秋影也 暑中有
古墨齋

玉琴聲帶滑雲涼好官況味清如此君子交情澹不妨我屋與

湖一街隔被人畫作白鷗莊 近爲余作詩龕
圖者多寫荷花

鮑覺生 杜星 太史貽詩龕歌奉贈

秋雨淋松街泥綠二三里跌坐新篁根門外冷烟起詩情夢第

杼鷺聲鳴不已小犬望雲吠有客投片紙神仙瑰麗詞吹簫
褰裏驟讀覺神阻三復乃色喜我詩果何在我龕更何擬若以
禪喻之猶是皮相耳今日暮山青明日暮山紫知合不知離優
孟衣冠矣君詩得自天愛我固如此行當掃蒼徑燒菌煮河鯉
酌酒梧桐下與君論詩髓東峯吐涼月一片西涯水

不浪舟畫卷

北人怕乘船獨我愛泛宅時帆亭東偏復署石軒額生平所矢
志隨境取寬適然而閱歷久有順卽有逆快讀玉亭文名言我
心獲波瀾何處無不必定海舶今日御風人明日覆舟客平居
誠艱險忽爲名利迫不如謝富貴歸來娛泉石天空月滿牀秋
曠雲生席飽飯更酣睡門外花自碧如此遺餘年勝註神仙籍
舟行與舟止二者請君擇

題羅兩峰爲何湘雪畫蘭時二君皆下世

兩峰戀寒澤下筆蘭味永
賓歲宿西涯剪燈寫秋影
孰意花之僧一別塵世屏
湘雪遊橋門石鼓詠俄頃
幽懷託楚騷甘赴玉樓請
搔首思二君使我淚如縷
忽觀九畹烟結作碧雲冷
黃山鍾已深揚州月不靚
美人竟天外香草徒心領
今日兼石齋殘杯爲誰整

自淨業湖移居鐘鼓樓四首

有序

余家淨業湖之陽十年有溪橋花木之勝老屋數椽
足蔽風雨且其地易植竹六七月間綠蔭窓牖暑風
不到固余之安土同年徐太史作令粵東舊宅一區
蒞鐘鼓樓西偏先人祠宇及器物在焉不可以割諸
人又不可以不擇人居太史雅厚余促余代守護因

念鐘鼓樓爲西涯十二詠之一與淨業湖壤連脈接
况鷗鳥踪跡隨風去來宋玉之宅庾信居之亦適然
耳十年後太史來都則余當仍于桔槔亭稻田一帶
就茅簷曝背作識字耕田夫也

卜居淨業湖方今十二年日飲蓮井綠時踏松街烟茶陵宅咫尺細認慈恩碑楊柳枕溪頭李公橋巋然緬想懷麓堂雖謂西莊篇一龕梧竹聲春雨初娟娟高臥北窓下誠哉地不偏棲息予及孫廣廈奚求焉

我友徐翰林作令去南粵子然奉一身萬里山水越老屋父所貽未敢竟淪沒請我守舊廬愛惜到林樾更望先人祠春秋祀弗闕我聞心惻然百年殊歎忽得地藝花竹有亭受風月晨餐夕眠耳何地不可歇

家具雖寥寥書籍檢頗有車載更人擔十日未斷手行路肆嘲
訕此故不復饒我亦莫能解但覺心期久三間讀書堂環之以
槐柳廢園全治蔬古甕多蓄酒好待說詩人入林疑義剖

浮生如逆旅何憎復何愛春屈花生枝雲行山有態譬比鷗鳥
踪飄泊蒼海內隨風爲去來終日無滯礙烟波適性情籠檻非
所耐行逐把鋤人隴頭習灌溉安穩茅簷底紅日一窻對

移居後乞同人作畫

平生嗜圖畫甚於慕富貴丹青絹素間油然益至味世爭寫詩
龔患而不嫌費鷗鳥慣移家樓臺則猶未長槐雜高柳三徑蓬
蒿蔚松街淨業湖溪橋略髣髴風烟借楮墨作手一經緯牛車
載書藉檻竹復籠开宿釀童子擔留待醉仙尉西堂初落筆向
晚茶聲沸腕底走山色毫端出秋氣十日未必然迫促又無謂

重陽日余榜所居曰陶廬李青琅

托思多

太守惡菊及

酒至余未之報也詩來作此以答兼呈陳念齋

上理

同年時念齋客青琅齋中亦有詩見示

今年節候遲重陽菊未放適我陶廬成憑軒益惆悵乃有素心
人踏蘚秋英貺賞花興恐淺佐之以家釀我喜柴桑詩摹擬總
無當自寫已性情出語却閒曠草間蟋蟀聲何事取悲壯地僻
竹木荒數石屹相向部婁三十尺西山欣在望不必起樓臺城
雲翠如嶂墨烟雜花氣濛濛落紙上

前呂陳解元鐸石詩弟子襤被春明城賣字沾沾喜有時忍寒
餓三日炊烟止亦復風雨感吟聲出屋裏長安富貴家難得君
片紙今乃吐胸臆千言賦未已涼蟾低不下空階白如水黃葉
吹滿天清鐘樓上起倘肯跨驢來煩君說詩旨

題思元道人妻香軒集後

詩在天地間人苦寫不出開門造奇句往往真趣失胸臆鬱至
情指腕施妙筆幽花媚深壑白雲依太室相感兩無心翕然與
之一道人慎交接猥許我坦率天風吹海音雲爛媚嬾帙開緘
朱綠絢欲請先惴惴豈知清妙處更比山人逸千古峨眉月照
此冰雪質石氣清一龕彌勒恐非匹

寄題江南友人采菊圖

近於詩龕旁小築屋一間榜之曰陶廬幽人容往還有客饋菊
至地隘秋花環因誦柴桑詩開門延故山誰寫采菊圖寄此情
意問江南隔千里風雨時相關清溪日夜流秋近聲潺潺君肯
掇寒英枝葉全須刪清芬寄遠人駐我丹砂顏

不寐

不寐卽竒病苦吟無妙詩清鐘一樓滿黃葉半天吹此響野風
激我心明月知從人乞方藥多悲少良醫

偶題

一丈蒼松五尺牆亭孤石瘦雨相當城頭吹入青山影紅蓼花
邊秋雨涼

送魯鹿芸世延之官安徽兼寄曾賓谷運使

憶子試禮部忽忽十七年角藝槐花廳下筆迴風泉余時閱子
文決子行無前歲月去如駛余髮驚皤然子來快叙舊坐擁仍
青氈竒文不足恃寒餓多英賢黃山萬松頂縈拂匡廬烟橐筆
且裹墨莫爲章句牽彈琴玉梅下晴雪花娟娟

當年焚器詩三館競傳誦子願謂少作未足取世重因述送行
句懇款復豪縱乃不忘鄙人愛我南豐其君自述賓谷今歲出
都時猶以余邀僧寺

看花賦詩之約未踐爲憾故送賓谷詩
卽引用此事而卷卷於鄙人可感也
邦上題襟館文酒會賓
從想當花開時詩成畢
魏源還告會先生衙官有屈宋

思元道人寫竹見貽

生平愛竹勝愛詩見竹便有凌雲思
北風打窓黃葉響竹亦低頭隨俛仰
敲門贈我青琅玕秋玉森森壓紙寒
詩龕無花亦無酒破書殘畫床頭有
瞥驚素壁龍蛇飛剪燈孤坐茶香微
胸中槎枒久忘却對此能無感寥落
昨年移竹西涯旁夢禪筆掃秋湖光
茲爲此君寫清照冷葉直根與我肖
不愁歲寒霜雪繁東風早晚吹荒園
倘教洒墨作桃李春在門前一溪水

贈王春野蕭宗兼懷王述庵永侍郎

述庵喜我文謂可學會王屬我序其集
語拙意頗詳君從述庵來就我話草堂
袖出故人書王惕甫札稱君詞清鏘翌日試禮部一

戰先同行此豈足君重重此鋒與銑春風顧盼間三館槐花黃
橋門石鼓字待君重評量詩龕老梧竹雪際猶青蒼一滴墨壺
汁化作千雲涼得皮及得髓妙諦參漁洋欲審犀提音還叩蒲
裼房

蒲裼山房述庵先生著書處

續論畫詩

錢大令 維喬

竹初詩書畫得一已足喜我乃兼有之無乃近奢侈然而文字
禪不礙清虛旨

陳太守 漢

讀書化畦町作畫脫窠臼春明千萬峰寫入一龕瘦坐我秋雨
中鬚眉忽蒼秀

馮助教 桂芬

槐市冒秋雨，斂綠寫花葉。愛我詩，龕詩刻畫上。蕉簷偶當風，日晴展對石鼓帖。

袁山人 沛

人能寫梧桐，不能寫疎雨。曠心弄寒綠，娟娟紙上舉。江南孤客來，看罷寂無語。

陳山人 嵩

君涉江波來，賣畫十年矣。我欲還問君，詩從何處起。投筆君大笑，詩在梅花裏。

寄李寧圃 廷敬 觀察

善政不違俗，好官惟耐貧。勸君操此術，爲

國救斯民。餘事詩書託閒心，竹石親玉堂舊遊處。春水尚熱，

弔羅兩峰山人

江城野鶴飛江館掩荆扉甘抱梅花死如尋明月歸草堂蟲語
歇書卷墨香微從此壽門句五湖真賞稀

訪杜梅溪

羣玉

于蕭寺已赴任去作此代東

君竟抱琴去破庵空月明我來踏黃葉一路聽鐘聲遙想放衙
坐還同退院清雪霜漸繁繁誰結歲寒盟

題思元道人畫冊

登樓春雪雜春烟萬壑梅風悟畫禪山翠自飛人悄立水香不
斷夢初圓忍寒林下同餐勝推醉花前一放顛白玉闌干金屈
戌大家爭賦小遊仙

題海寧查懷忠

世官

南廬詩鈔後

一代詩名盛恢奇敬業堂翕然合唐宋卓爾抗朱王
多文秀南廬擅老蒼新篇與古帙不斷此幽香

秀水
新城裔子

漁洋官祭酒屈指海寧誇今我忝斯職適君稱克家春雲低石
鼓秋雨響槐花百十年來事休教搖落嗟新城官祭酒夏重德
肄業太學今南廬及其族人人和
有新適符三人之數亦佳語也